



Harii Nasaun iha Timor Leste Urbanu no Rural

Jéneru, Justisa, Paz no Seguransa, Dezenvolvimentu no Governasaun

Konferensia atu Reflekta ba Prosesu Harii Nasaun iha Timor-Leste Durante Tinan 10 nia Laran

Loron-Kuarta 8 Jullu to'o Loron-Sesta 10 Jullu 2009

St John Paul II, Comoro

Dili, Timor-Leste

Konferensia Harii Nasaun iha Timor Leste Urbanu no Rural lidera husi organizasaun hanesan FONGTIL, RMIT no AVI no halao iha dia 8, 9 no 10 de Jullu 2009 iha salaun Sao Joao Paul II Comoro. Konferensia ne'e fo oportunidade ba ema Timor(husi Dili, distirtu no mos sub distritu) no ema husi rai seluk atu halo refleksaun, dialogu no debate kona ba prosesu harii nasaun iha Timor-Leste desde 1999. Konferensia ne loke husi a sua Exselensia Vice Primeiru Ministru Sr Jose Luis Guterres no taka husi Deputada Parlamentu Nasional Dra Cipriana Pereira. Konferensia ne lao ho diak no hetan animu/feedback nebe diak husi partisipante Timor no mos internasional.

Konferensia ne mos fo oportunidade ba partisipante sira halo grupu diskusaun, iha grupu diskusaun nia laran ema Timor no internsional partispa mos. No iha grupu diskusaun nia laran, iha buat barak nebe sira koalia no depois halo sai hanesan rekomendasaun nebe ita bele hare tuir mai ne:

Rekomendasoens husi Konferensia Harii Nasaun iha Timor Leste Urbanu no Rural

Rekomendações ne'e mak mai husi representativu husi distritu Timor hotu, Rai Internasional, Sosiadade Sivil Timor Leste, estudante Timor Leste no Akademik internasional no lokal. Rekomendasoens foka ba area nen; Harii Nasaun, Jeneru, Justisa, Paz no Seguransa, Dezenvolvimentu no Governasaun. Rekomendações ne'e atu fo ba Governu, Sosidade Sivil, Media, UNMIT, PNTL, F-FDTL no atu publika iha publikasaun Konferensia nian nebe atu fahe ba internasional no nasional.

Rekomendações kona ba Harii Nasaun

1. Aseleira disentralizasaun iha kontestu lei hodi fo dalan ba partisipasaun komunidadade, hodi hare ba seitor sira hanesan: desizaun, planu no implementasaun
2. Lei (Dekretu Lei) atu aseleira pontu preimeru
3. Forma ekipa fasilitador atu rona nesesidade povu no hato'o ba governu no husi governu ba povu.
4. Kuadru legais bazeia ba hanoin no nesesidade husi povu iha baze
5. Ekipa monitorizasaun ba prosesu disentralizasaun
 - o Preparasaun lideransa lokal, treinamentu to ba planeamento jestaun

Rekomendações kona ba Jeneru

1. Presiza harii uma mahon ba distritu hotu-hotu no harii prizaun spesifiku ba fetu sira
2. SEPI tenki fo kapasitasaun ba fokal point ba distritu atu hasae kapasidade kona ba jeneru
3. Husu ba parlamentu nasional atu aprova lalais lei violensia domestika
4. Involve mos mane sira atu tuir treinamento jeneru
5. Involve fetu sira foti desizaun iha prosesu tesi lia tradisional

Rekomendações kona ba Jusitisa

1. Husu ba Parlamentu Nasional atu debates lalais relatorio CAVR no kria lei reparasaun ba vitima violasaun direitu humanus tinan 1974-1999.
2. Husu ba governu(orgaun kompetente) atu fo formasaun ba juiz no advogadu Timor Leste hodi hasae'e kapasidade hodi kaer tribunal hodi fo julgamentu ba kualker kazu krime no husu ba minesteriu publiku atu fo atensaun ba kazu nebe rejistu iha tribunal
3. husu ba orgaun soberanu seluk ho lider politik atu labele halo intervensaun ba desizaun tribunal no juiz no prokurador internasional sai nudar konseleru asesor
4. Husu ba governu/estadu Timor Leste atu konsedeira no rekonhese ba kazu krime graves nebe akontese iha tinan 1999, no mos atu lori autor kriminozu sira ba tribunal internasional no nasional hodi halo julgamentu.
5. Husu ba governu no parlamentu nasional hodi halo sosializasaun kona ba lei formal-tradisional) ba povu Timor Leste

Rekomendações kona ba Paz no Seguransa

1. Husu ba lideransa politiku no orgaun soberanu atu hare ba interese komun labele hare ba interese partidaria
2. Loke postu seguransa husi nivel nasional to'o rural. Halo rotasaun servisu PNTL no F-FDTL ba teritoriu tomak iha Timor Leste
3. Kria sistema prevensaun nebe sustentavel ba ameasa alimentar, dezastre naturais no dezastre sosial
4. Husu ba orgaun soberaniu atu bele kria kondisasaun diak, ba PNTL ho F-FDTL, hadia sistema salariu, aumenta fasilidade no hare fila fali lei PNTL atu servi comunidade tuir lei no ordem nebe vigora iha Timor Leste
5. Husu ba UNMIT /UNPOL / Komunitade/ agensia internaional atu hakbiit liu tan kapasidade PNTL no F-FDTL, halo koordenasaun no kooperasaun servisu nebe diak iha area seguransa entre lokal no Internasional no respeito ba kultura Timor Leste.

Rekomendações kona ba Dezenvolvimentu

1. Hadia qualidade no fortifika iha area rural du ke urbanu
2. Planu dezenvolvimentu tenki husi baze (rural) mak ba leten (nasiona)
3. Rekomenda ba governu atu forma mekanismu nebe kompostu husi: governu lokal, sosiadade sivil, tekniku hodi halo monitorizasaun, evaluasaun no planeamentu ba programa area rural

Rekomendações kona ba Governasaun

1. Desentralizasaun dezenvolvimentu, rekursu umanu, no tenki iha sistema monitorizasaun nebe sustentabilidade ba programa dezenvolvimentu hotu-hotu
2. Halao edukasaun civika nebe sustentabel kona ba lei no demokrasia
3. Foti membrus governu tenki tuir nia profesaun, edukasaun nune'e bele iha governasaun nebe diak (demokratu, transparente, akuntabilidade, sai save ba transformasaun)
4. Hamosu dekretu lei atu garante papel sosiadade sivil tuir funsaun nudar kontrola sosial no halo revizaun ba dekretu lei No.5/2005 (orgaun non lukrutivu)
5. tenki redus birokrasia iha servisu governo nian no aumenta funsionariu publiku.

*Se persija fotos bele kontaktu ba Janu iha telemovel 7410667 ou email ba jadelove10@yahoo.com



Australian Government
AusAID



ARC Asia Pacific Futures Research Network
www.sueztosuva.org.au

